

## 大佛頂首楞嚴經 卷二

⊗ 三約觀河顯見性無遷分三

癸三、借色身變而觀河之見  
無改顯見性一向不生  
不滅

⊙ 一 請問分二

⊕ 一 阿難密請

爾時，阿難及諸大眾，聞佛示誨，身心泰然。念無始來失却本心，妄認緣塵分別影事；今日開悟，如失乳兒忽遇慈母。合掌禮佛，願聞如來顯出「身心真妄虛實現前生滅與不生滅」二發明性。

卅一 匿王顯問

時，波斯匿王起立白佛：『我昔未承諸佛誨教，見迦旃延、毘羅胝子，咸言此身死後斷滅，名為涅槃。我雖值佛，今猶狐疑。云何發揮證知此心不生滅地？今此大眾諸有漏者，咸皆願聞。』

卅二 說示分二

卅一 明身有遷變

佛告大王：『汝身現在，今復問汝：汝此肉身，為同金剛常住不朽？為復變壞？』

『世尊！我今此身，終從變滅。』

佛言：『大王！汝未曾滅，云何知滅？』

『世尊！我此無常變壞之身雖未曾滅，我觀現前念念遷謝

。新新不住，如火成灰。漸漸銷殞，殞亡不息，決知此身當從滅盡。』

佛言：『如是，大王！汝今生齡，已從衰老，顏貌何如童子之時？』

『世尊！我昔孩孺，膚腠潤澤；年至長成，血氣充滿。而今頹齡，迫於衰老，形色枯悴，精神昏昧，髮白面皺，逮將不久。如何見比充盛之時？』

佛言：『大王！汝之形容，應不頓朽。』

王言：『世尊！變化密移，我誠不覺，寒暑遷流，漸至於此。何以故？我年二十，雖號年少，顏貌已老初十歲時；三十之年，又衰二十；於今六十又過於二，觀五十時宛然強壯。世尊！我見密移，雖此殞落，其間流易，且限十年

。若復令我微細思惟，其變寧唯一紀二紀，實爲年變。豈惟年變，亦兼月化；何直月化，兼又日遷。沈思諦觀，剎那剎那念念之間，不得停住。故知我身終從變滅。』

### ⊕一明性無生滅

佛告大王：『汝見變化遷改不停，悟知汝滅，亦於滅時，汝知身中有一不滅耶？』

波斯匿王合掌白佛：『我實不知。』

佛言：『我今示汝不生滅性。』

大王！汝年幾時見恒河水？』

王言：『我生三歲，慈母攜我謁耆婆天，經過此流，爾時即知是恒河水。』

佛言：『大王！如汝所說，二十之時，衰於十歲，乃至六

十，日月歲時念念遷變，則汝三歲見此河時，至年十三，其水云何？』

王言：『如三歲時，宛然無異，乃至於今年六十二，亦無有異。』

佛言：『汝今自傷髮白面皺，其面必定皺於童年，則汝今時觀此恒河，與昔童時觀河之見，有童耄不？』

王言：『不也，世尊！』

佛言：『大王！汝面雖皺，而此見精性未曾皺。皺者爲變，不皺非變；變者受滅，彼不變者元無生滅。云何於中受汝生死？而猶引彼末伽黎等都言此身死後全滅？』

### ⊕二領悟

王聞是言，信知身後捨生趣生，與諸大眾踊躍歡喜，得未

會有。

⑩四約垂手顯見性無滅分三

癸四、借首尾換而垂臂之手  
無失顯見性從來不增  
不減

⑪一疑問

阿難即從座起·禮佛合掌·長跪白佛·『世尊!若此見聞  
必不生滅,云何世尊名我等輩「遺失真性·顛倒行事」?  
願興慈悲洗我塵垢!』

⑫二示答分二

⑬一順世立喻

即時如來垂金色臂·輪手下指·示阿難言·『汝今見我母  
陀羅手,為正為倒?』

阿難言·『世間衆生以此為倒,而我不知誰正誰倒。』

佛告阿難·『若世間人以此為倒,即世間人將何為正?』

阿難言·『如來豎臂,兜羅綿手上指於空,則名為正。』

佛即豎臂,告阿難言·『若此顛倒,首尾相換,諸世間人

·一倍瞻視。

⑭二正以法合分三

⑮一直舉法合

則知汝身與諸如來清淨法身比類發明·如來之身名正徧知  
·汝等之身號性顛倒。

⑯二勅令諦觀

隨汝諦觀汝身佛身,稱顛倒者·名字何處號為顛倒?』

於時,阿難與諸大衆瞪耆瞻佛·目睛不瞬,不知身心顛倒

所在。

④三備明倒因分二

①一示無倒性

佛興慈悲・哀愍阿難及諸大眾，發海潮音・徧告同會：『諸善男子！我常說言「色心諸緣及心所使諸所緣法・唯心所現」，汝身汝心皆是妙明真精妙心中所現物。

②二示顛倒相

云何汝等「遺失本妙・圓妙明心・寶明妙性」認悟中迷？晦昧為空，空晦暗中・結暗為色，色雜妄想・想相為身，聚緣內搖・趣外奔逸，昏擾擾相・以為心性。一迷為心，決定惑為色身之內。不知色身・外洎山河虛空大地・咸是妙明真心中物。

譬如澄清百千大海，棄之，唯認一浮漚體，目為全潮・窮盡瀛渤。

汝等即是迷中倍人，如我垂手・等無差別。如來說為可憐愍者！』

⑤五約標指顯見性無還分二

癸五、借塵象可還可擇見精無還無擇顯見性是汝真性

①一陳請

阿難承佛悲救深誨，垂泣叉手而白佛言：『我雖承佛如是妙音，悟妙明心元所圓滿常住心地，而我悟佛現說法音，現以緣心允所瞻仰，徒獲此心・未敢認為本元心地。願佛哀愍・宣示圓音，拔我疑根・歸無上道！』

⑤ 二開示分二

⑥ 一以喻總明

佛告阿難：『汝等尚以緣心聽法，此法亦緣，非得法性。如人以手指月示人，彼人因指，當應看月。若復觀指以為月體，此人豈唯亡失月輪；亦亡其指。何以故？以所標指為明月故。豈唯亡指，亦復不識明之與暗。何以故？即以指體為月明性，明暗二性無所了故。汝亦如是。』

⑦ 二就體別簡分二

⑧ 一簡緣心可還如觀指影分三

⑨ 一近就音聲分別以明無性

若以分別我說法音，為汝心者，此心自應離分別音有分別性。譬如有客寄宿旅亭，暫止便去，終不常住；而掌亭人

都無所去，名為亭主。此亦如是，若真汝心則無所去。

云何離聲無分別性？

⑩ 二廣歷諸法分別以示可還

斯則豈惟聲分別心，分別我容，離諸色相無分別性，如是乃至分別都無，非色非空，拘舍離等昧為冥諦，離諸法緣無分別性。則汝心性各有所還，云何為主？』

⑪ 二示見性無還如天上月分二

⑫ 一承責咨請

阿難言：『若我心性各有所還，則如來說「妙明元心」云何無還？惟垂哀愍，為我宣說！』

⑬ 二正示無還分三

⑭ 一就月喻顯法體

佛告阿難：『且汝見我，見精明元，此見雖非妙精明心，如第二月，非是月影。

㊟二以可還顯不還

汝應諦聽！今當示汝無所還地。阿難！此大講堂洞開東方，日輪升天則有明曜，中夜黑月，雲霧晦暝，則復昏暗。戶牖之際則復見通，牆宇之間則復觀壅。分別之處則復見緣，頑虛之中，徧是空性。鬱埶之象則紆昏塵，澄霽斂氛，又觀清淨。

阿難！汝咸看此諸變化相，吾今各還本所因處。

云何本因？阿難！此諸變化，明還日輪。何以故？無日不明，明因屬日，是故還日。

暗還黑月，通還戶牖，壅還牆宇，緣還分別，頑虛還空，

鬱埶還塵，清明還霽，則諸世間一切所有，不出斯類。

汝見八種見精明性，當欲誰還？

何以故？若還於明，則不明時無復見暗。

雖明暗等種種差別，見無差別。

㊟三結不還是本心

諸可還者，自然非汝，不汝還者，非汝而誰？

則知汝心本妙明淨，

汝自迷悶，喪本受輪，於生死中常被漂溺。

是故如來名可憐愍。』

㊟六約周徧顯見性非物分三

㊟一示無差別義分二

㊟一問

阿難言：『我雖識此見性無還，云何得知是我眞性？』

②二答分三

①一約迷悟明無差而差

佛告阿難：『吾今問汝：今汝未得無漏清淨，承佛神力，見於初禪，得無障礙。而阿那律見閻浮提，如觀掌中菴摩羅果。諸菩薩等，見百千界。十方如來，窮盡微塵清淨國土，無所不矚。衆生洞視，不過分寸。』

②二約自他明差而無差

阿難！且吾與汝觀四天王所住宮殿，中間徧覽水陸空行，雖有昏明種種形像，無非前塵分別留礙。汝應於此分別自他。今吾將汝擇於見中，誰是我體？誰爲物象？

阿難！極汝見源，從日月宮，是物非汝。

至七金山，周徧諦觀，雖種種光，亦物非汝。

漸漸更觀雲騰鳥飛，風動塵起，樹木山川，草芥人畜，咸物非汝。

阿難！是諸近遠諸有物性雖復差殊，同汝見精清淨所矚。則諸物類自有差別，「見性」無殊；此精妙明，誠汝「見性」。

③三正示見性非物

若見是物，則汝亦可見吾之見。若同見者名爲見吾，吾不見時，何不見吾不見之處？若見不見，自然非彼不見之相。若不見吾不見之地，自然非物，云何非汝？

又則汝今見物之時，汝既見物，物亦見汝，體性紛雜，則汝與我並諸世間，不成安立。



阿難！若汝見時是汝非我，見性周徧，非汝而誰？  
云何自疑汝之眞性？性汝不眞，取我求實？」

㊸ 二示無大小義分二

癸六、借器界局方局量見精  
超方超量顯見性自性

㊹ 一疑問

阿難白佛言：『世尊！若此「見性」必我非餘，我與如來  
觀四天王勝藏寶殿，居日月宮，此見周圓。徧娑婆國；退  
歸精舍。祇見伽藍，清心戶堂。但瞻簷廡。

世尊！此見如是，其體本來周徧一界；今在室中，唯滿一  
室。爲復此見縮大爲小？爲當牆宇夾令斷絕？

我今不知斯義所在。願垂弘慈爲我敷演！」

㊺ 二答釋分二

㊻ 一破執

佛告阿難：『一切世間大小內外。諸所事業各屬前塵，不  
應說言見有舒縮。

譬如方器，中見方空。吾復問汝：此方器中所見方空，爲  
復定方？爲不定方？若定方者，別安圓器。空應不圓；若  
不定者，在方器中應無方空。

汝言不知斯義所在，義性如是，云何爲在？

阿難！若復欲令入無方圓，但除器方，空體無方；不應說  
言更除虛空方相所在。

若如汝問，入室之時縮見令小，仰觀日時汝豈挽見齊於日  
面？若築牆宇。能夾見斷，穿爲小竇。寧無續跡？

是義不然！

⑧二會通

一切衆生，從無始來迷己爲物，失於本心，爲物所轉，故於是中觀大觀小。

若能轉物，則同如來，身心圓明，不動道場，於一毛端，徧能含受十方國土。』

⑨七約無是非是顯見性惟真分二

癸七、就見精非是物非非物  
顯見性一真絕待

⑩一疑問

阿難白佛言：『世尊！若此「見精」必我妙性，今此妙性現在我前，「見」必我真，我今身心復是何物？而今身心分別有實，彼「見」無別分辨我身，若實我心令我今見，「見性」實我而身非我。何殊如來先所難言「物能見我」

？惟垂大慈，開發未悟！』

⑪一答釋分二

⑫一研破是非兩途分四

⑬一正破是見

佛告阿難：『今汝所言「見在汝前」，是義非實。若實汝前，汝實見者，則此「見精」既有方所，非無指示。且今與汝坐祇陀林，徧觀林渠及與殿堂，上至日月，前對恒河。汝今於我師子座前舉手指陳是種種相：陰者是林，明者是日，礙者是壁，通者是空，如是乃至草樹纖毫，大小雖殊，但可有形，無不指著。若必其見現在汝前，汝應以手確實指陳，何者是見。

阿難當知！若空是見，既已成見，何者是空？若物是見，

既已是見，何者爲物？汝可微細披剝萬象，析出精明淨妙見元，指陳示我。同彼諸物，分明無惑。』

阿難言：『我今於此重閣講堂，遠泊恒河，上觀日月，舉手所指，縱目所觀，指皆是物，無是見者。

世尊！如佛所說，況我有漏初學聲聞，乃至菩薩，亦不能於萬物象前剖出「精見」離一切物別有自性。』

佛言：『如是如是。』

### ④一轉破非見

佛復告阿難：『如汝所言，無有「見精」離一切物別有自性。則汝所指是物之中，無是見者。今復告汝：汝與如來坐祇陀林，更觀林苑乃至日月，種種象殊，必無「見精」受汝所指。汝又發明此諸物中，何者非見？』

阿難言：『我實徧見此祇陀林，不知是中何者非見。何以故？若樹非見，云何見樹？若樹即見，復云何樹？如是乃至若空非見，云何見空？若空即見，復云何空？我又思惟：是萬象中，微細發明，無非見者。』

佛言：『如是如是。』

### ④二大衆茫然

於是大衆非無學者，聞佛此言，茫然不知是義終始，一時惶悚，失其所守。

### ④三世尊安慰

如來知其魂慮變惛，心生憐愍，安慰阿難及諸大衆：

『諸善男子！無上法王是真實語，如所如說，不誑不妄。非末伽黎四種不死矯亂論議。汝諦思惟，無忝哀慕！』

卅二 會通眞性一理分二

寅 一文殊述疑啓請

是時，文殊師利法王子，愍諸四衆，在大衆中，即從座起，頂禮佛足，合掌恭敬而白佛言：『世尊！此諸大衆，不悟如來發明二種精見色空「是非是」義。

世尊！若此前緣色空等象，若是見者，應有所指，若非見者，應無所矚。而今不知是義所歸，故有驚怖，非是曩昔善根輕渺。惟願如來大慈，發明此諸物象與此見精，元是何物？於其中間無「是非是」！』

卯 一如來垂慈示答分二

卯 一示妙體絕待分二

辰 一正明絕待

佛告文殊及諸大衆：『十方如來及大菩薩，於其自住三摩地中，見與見緣並所想相，如虛空華，本無所有。此見及緣，元是菩提妙淨明體，云何於中有「是非是」？

辰 二引例釋成

文殊！吾今問汝：如汝文殊，更有文殊是文殊者？爲無文殊？』

『如是，世尊！我真文殊，無是文殊。何以故？若有是者，則二文殊，然我今日非無文殊，於中實無是非二相。』佛言：『此「見」妙明與諸空塵，亦復如是。本是妙明無上菩提淨圓真心，妄爲色空及與聞見。如第二月，誰爲是月？又誰非月？文殊！但一月眞，中間自無是月非月。

卯 二示迷悟得失

是以汝今觀「見與塵」種種發明，名為妄想，不能於中出「是非是」。由是真精妙覺明性，故能令汝出「指非指」。

㊸ 八約外道世諦對簡顯見性非因 癸八、就見精非因緣非自然緣自然分三 顯見性離相即法

㊹ 一對外道簡自然分三

㊺ 一疑請

阿難白佛言：「世尊！誠如法王所說「覺緣徧十方界。湛然常住。性非生滅」，與先梵志娑毘迦羅所談「冥諦」及投灰等諸外道種說「有真我徧滿十方」。有何差別？世尊亦曾於楞伽山為大慧等敷演斯義：「彼外道等常說自然，我說因緣，非彼境界。」我今觀此覺性自然，非生非滅。

遠離一切虛妄顛倒，似非因緣，與彼自然。云何開示「不入群邪，獲真實心妙覺明性」？」

㊻ 二開示

佛告阿難：「我今如是開示方便，真實告汝，汝猶未悟，惑為自然。阿難！若必自然，自須甄明有自然體。汝且觀此妙明見中，以何為自？此見為復以明為自？以暗為自？以空為自？以塞為自？阿難！若明為自，應不見暗；若復以空為自體者，應不見塞。如是乃至諸暗等相以為自者，則於明時「見性」斷滅，云何見明？」

㊼ 一對世諦簡因緣分三

㊽ 一轉計

阿難言：「必此妙見性非自然，我今發明是因緣生。心猶

未明，咨詢如來，是義云何合因緣性？」』

㊥ 一 破斥

佛言：「汝言因緣，吾復問汝：汝今因見「見性」現前，此見爲復因明有見？因暗有見？因空有見？因塞有見？」

阿難！若因明有，應不見暗；如因暗有，應不見明。

如是乃至因空因塞，同於明暗。

復次，阿難！此見又復緣明有見？緣暗有見？緣空有見？緣塞有見？」

阿難！若緣空有，應不見塞；若緣塞有，應不見空。

如是乃至緣明緣暗，同於空塞。

㊦ 二 結顯自性分二

㊥ 一 正示離過真體

當知如是精覺妙明，非因非緣。亦非自然，非不自然，無非不非。無是非是，離一切相。即一切法。

㊥ 二 結貫滯著名相

汝今云何於中措心。以諸世間戲論名相而得分別？如以手掌撮摩虛空，祇益自勞，虛空云何隨汝執捉？」』

㊦ 九 約二安合明顯見性非見分三

㊦ 一 引昔致疑

阿難白佛言：「世尊！必妙覺性非因非緣，世尊云何常與比丘宣說「見性具四種緣——所謂「因空。因明。因心。因眼」？是義云何？」』

㊦ 二 對理徵破分二

㊥ 一 直明昔說隨情

佛言：『阿難！我說世間諸因緣相，非第一義。

④二正顯見性非緣

阿難！吾復問汝：諸世間人說「我能見」，云何名見？云何不見？』

阿難言：『世人因於日月燈光，見種種相，名之為見。若復無此三種光明，則不能見。』

『阿難！若無明時名不見者，應不見暗。若必見暗，此但無明，云何無見？

阿難！若在暗時不見明故，名為不見，今在明時不見暗相，還名不見，如是一相俱名不見。若復二相自相陵奪，非汝見性於中暫無。如是則知二俱名見，云何不見？

④三正示見性分三

④一一直示真性

是故，阿難！汝今當知：見明之時見非是明，見暗之時見非是暗，見空之時見非是空，見塞之時見非是塞，四義成就。

汝復應知：見見之時，見非是見；見猶離見，見不能及。云何復說「因緣」「自然」及和合相？

汝等聲聞，狹劣無識，不能通達清淨實相。吾今誨汝，當善思惟！無得疲怠妙菩提路！』

④二騰疑細釋分三

癸九、就見精剖出同分妄見  
別業妄見顯見性是本  
覺明心

④一阿難騰疑

阿難白佛言：『世尊！如佛世尊爲我等輩宣說「因緣及與自然諸和合相與不和合」，心猶未開；而今更聞「見見非見」，重增迷悶。伏願弘慈・施大慧目・開示我等覺心明淨！』作是語已，悲淚頂禮，承受聖旨。

㊦ 二如來細釋分三

㊧ 一詞誠許宣分二

㊨ 一經家敘意

爾時，世尊憐愍阿難及諸大眾，將欲敷演「大陀羅尼・諸三摩提妙修行路」，

㊩ 二如來誠許

告阿難言：『汝雖強記，但益多聞，於奢摩他微密觀照，心猶未了。汝今諦聽！吾當爲汝分別開示，亦令將來諸有

漏者獲菩提果。

㊪ 二合明二安分三

㊫ 一直示二安分三

㊬ 一總標

阿難！一切衆生輪迴世間，由「二顛倒分別見妄」當處發生當業輪轉。云何二見？一者，衆生別業妄見；二者，衆生同分妄見。

㊭ 二別釋分二

㊮ 一釋別業妄見

云何名爲別業妄見？阿難！如世間人・目有赤眚，夜見燈光別有圓影・五色重疊。於意云何？此夜燈明・所現圓光，爲是燈色？爲當見色？阿難！此若燈色，則非眚人何不



同見。而此圓影。唯眚之觀？若是見色，見已成色，則彼眚人見圓影者。名爲何等？

復次，阿難！若此圓影離燈別有，則合傍觀屏帳几筵有圓影出；離見別有，應非眼矚，云何眚人目見圓影？

是故當知：色實在燈，見病爲影；影見俱眚，見眚非病。終不應言「是燈是見」，於是中有非燈非見，如第二月非體非影。何以故？第二之觀，捏所成故。諸有智者，不應說言「此捏根元。是形非形。離見非見」。

此亦如是，目眚所成，今欲名誰是燈是見？何況分別非燈非見？

#### ④二釋同分妄見

云何名爲同分妄見？阿難！此闔浮提，除大海水，中間平

陸有三千洲。正中大洲東西括量，大國凡有二千三百。其餘小洲在諸海中，其間或有三兩百國，或一或二至於三十四五十。

阿難！若復此中有一小洲祇有兩國，唯一國人同感惡緣，則彼小洲當土衆生覩諸一切不祥境界，或見二日或見兩月，其中乃至暈。適。珮。玦。彗。孛。飛。流。負。耳。虹。蜺，種種惡相。但此國見，彼國衆生本所不見。亦復不聞。

#### ⑤二進退合明<sup>分二</sup>

##### ①一總示

阿難！吾今爲汝。以此二事進退合明。

##### ②一別明<sup>分二</sup>

④ 一進別例同

阿難！如彼衆生別業妄見，矚燈光中所現圓影，雖現似境，終彼見者目眚所成。眚即見勞，非色所造。然見眚者終無見咎。

例汝今日，以目觀見山河國土及諸衆生，皆是無始見病所成，見與見緣似現前境，元我覺明見所緣眚，覺見即眚。本覺明心，覺緣非眚。覺所覺眚，覺非眚中，此實見見。云何復名覺聞知見？

是故，汝今見我及汝並諸世間十類衆生，皆即見眚，非見眚者；彼見眞精，性非眚者，故不名見。

④ 二退同例別

阿難！如彼衆生同分妄見，例彼妄見別業一人。一病目人

，同彼一國。彼見圓影，眚妄所生；此衆同分所見不祥，同見業中瘴惡所起，俱是無始見妄所生。例閻浮提三千洲中，兼四大海娑婆世界，並洎十方諸有漏國及諸衆生，同是覺明無漏妙心，見聞覺知虛妄病緣，和合妄生和合妄死。

④ 三顯不歸眞

若能遠離「諸和合緣及不和合」，則復滅除諸生死因。

圓滿「菩提，不生滅性」，清淨本心，本覺常住。

⑤ 十破和合不和合餘疑顯見性  
離過絕非法爾現證分二

癸十、就見精重明非和合生  
非不和合顯見性唯離  
言自證

⑤ 一責迷

阿難！汝雖先悟「本覺妙明」性非因緣。非自然性，而猶未明如是「覺元」非和合生及不和合。

①二徵破分二

①一破和合分二

①一牒疑

阿難！吾今復以前塵問汝：汝今猶以一切世間妄想和合諸因緣性，而自疑惑證菩提心和合起者，

①二正破分二

①一破和

則汝今者妙淨見精，為與明和？為與暗和？為與通和？為與塞和？

若明和者，且汝觀明，當明現前，何處雜見？見相可辨，

雜何形像？若非見者，云何見明？若即見者，云何見見？必見圓滿，何處和明？若明圓滿，不合見和。見必異明，雜則失彼性。明名字。雜失明、性，和明非義。彼暗與通及諸群塞，亦復如是。

①二破合

復次，阿難！又汝今者妙淨見精，為與明合？為與暗合？為與通合？為與塞合？

若明合者，至於暗時，明相已滅，此見即不與諸暗合，云何見暗？若見暗時不與暗合，與明合者，應非見明，既不見明，云何明合。了明非暗？

彼暗與通及諸群塞，亦復如是。』

①二破非和合分二

⑤ 一轉計

阿難白佛言：『世尊！如我思惟，此妙覺元與諸緣塵及心念慮，非和合耶？』

⑥ 二破斥分二

① 一破非和

佛言：「汝今又言覺非和合，吾復問汝：此妙見精非和合者，爲非明和？爲非暗和？爲非通和？爲非塞和？

若非明和，則見與明必有邊畔。汝且諦觀，何處是明？何處是見？在見在明，自何爲畔？

阿難！若明際中必無見者，則不相及，自不知其明相所在，畔云何成？

彼暗與通及諸群塞，亦復如是。

② 二破非合

又，妙見精非和合者，爲非明合？爲非暗合？爲非通合？爲非塞合？

若非明合，則見與明，性相乖角，如耳與明，了不相觸。

見且不知明相所在，云何甄明合非合理？

彼暗與通及諸群塞，亦復如是。

③ 三徧歷陰入處界會理分二

辛三、會法相泯顯如來藏分二

① 一總示

壬一、承前總示陰入處界本如來藏

阿難！汝猶未明一切浮塵諸幻化相，當處出生，隨處滅盡，幻妄稱相，其性眞爲妙覺明體。如是乃至五陰六入，從

十二處至十八界，因緣和合。虛妄有生，因緣別離。虛妄名滅。

殊不能知生滅去來本如來藏——常住、妙明、不動、周圓——妙真如性。性真常中，求於去來迷悟生死，了無所得。

① 一別明<sup>分四</sup>

壬一、次第別明陰入處界本如來藏<sup>分四</sup>

② 一明五陰性<sup>分一</sup>

癸一、五陰

③ 一總徵

阿難！云何五陰本如來藏妙真如性？

④ 一別釋<sup>分五</sup>

① 一明色陰即藏性

子一、色陰本妙

阿難！譬如有人以清淨目觀晴明空，唯一晴虛。迴無所有。其人無故不動目睛，瞪以發勞，則於虛空別見狂華，復有一切狂亂非相。色陰當知亦復如是。

阿難！是諸狂華，非從空來。非從目出。

如是，阿難！若空來者，既從空來。還從空入，若有出入。即非虛空。空若非空，自不容其華相起滅，如阿難體。不容阿難。

若目出者，既從目出。還從目入。即此華性從目出故，當合有見。若有見者，去既華空。旋合見眼。若無見者，出既翳空。旋當翳眼。又見華時目應無翳，云何晴空號清明眼？

是故當知色陰虛妄，本非因緣。非自然性。

②二明受陰即藏性

子一、受陰本妙

阿難！譬如有人手足宴安百骸調適，忽如忘生。性無違順。其人無故以二手掌於空相摩，於二手中妄生澀滑冷熱諸相。受陰當知亦復如是。

阿難！是諸幻觸，不從空來。不從掌出。

如是，阿難！若空來者，既能觸掌，何不觸身？不應虛空選擇來觸。

若從掌出，應非待合。又掌出故，合則掌知。離則觸入，臂腕骨髓應亦覺知入時蹤跡。必有覺心知出知入，自有一物身中往來。何待合知。要名為觸。

是故當知受陰虛妄，本非因緣非自然性。

③三明想陰即藏性

子三、想陰本妙

阿難！譬如有人談說酢梅。口中水出，思蹋懸崖。足心酸澀。想陰當知亦復如是。

阿難！如是酢說，不從梅生。非從口入。

如是，阿難！若梅生者，梅合自談。何待人說？

若從口入，自合口聞。何須待耳？若獨耳聞，此水何不耳中而出？

想蹋懸崖。與說相類。

是故當知想陰虛妄，本非因緣非自然性。

④四明行陰即藏性

子四、行陰本妙

阿難！譬如瀑流。波浪相續，前際後際不相踰越。行陰當知亦復如是。

阿難！如是流性，不因空生。不因水有，亦非水性，非離

空水。

如是，阿難！若因空生，則諸十方無盡虛空成無盡流，世界自然俱受淪溺。若因水有，則此瀑流性應非水，有所有相。今應現在。若即水性，則澄清時應非水體。若離空水，空非有外。水外無流。

是故當知行陰虛妄，本非因緣非自然性。

①五明識陰即藏性

子五、識陰本妙

阿難！譬如有人取頻伽瓶塞其兩孔滿中擎空，千里遠行。用餉他國。識陰當知亦復如是。

阿難！如是虛空，非彼方來。非此方入。

如是，阿難！若彼方來，則本瓶中既貯空去，於本瓶地應少虛空。若此方入，開孔倒瓶。應見空出。

是故當知識陰虛妄，本非因緣非自然性。

大佛頂首楞嚴經 卷二